

DOMINGU XVI TEMPU KOMÚN – TINAN B

TEMA

Liturjia Domingu da-16 Tempu Komún nian konta mai ita Maromak nia domin no atensaun lais ba “bibi sira bibi-atan laek”. Domin no atensaun lais ida-ne’e haktuir nu’udar oferta moris foun no nakonu ne’ebé Maromak halo ba ema hotu.

Iha leitura dahuluk, liuhusi profeta Jeremias nia lian, Jahwéh kondena bibi-atan aat sira ne’ebé uza “bibi sira” atu satisfás sira-nia projetu pesoál; no, ho modu paralelu, Maromak fó sai katak, Nia rasik maka sei tau matan ba ninia “bibi-luhan”, hodi asegura fekundiade ihano vida nakonu, pás, hakmatek no salvasaun.

Evanjellu fó hanoin mai ita proposta salvadora no libertadora Maromak nian ba ema sira, Jezús rasik apresenta no oras ne’e eskolante sira maka kontinua. Jezús nia eskolante sira – hanesan Jezús – sai sasin Maromak nia domin, laran-luak no atensaun ba mane no fetu sira ne’ebé la’o lakon no lahó diresaun iha mundu, hanesan “bibi sira bibi-atan laek”. Nune’e sira tenke refere nafatin ba Jezús. Ho frekuénsia, eskolante sira ne’ebé hetan misaun ba mundu tenke hasoru Jezús, dialoga ho Nia, rona Ninia proposta sira, hamutuk ho Nia elabora projetu sira misaun nian, konfronta anúnsiu ne’ebé sira hato’o ho Jezús nia Liafuan. Iha leitura daruak, Paulo ko’alia ba sarani sira iha sidade Éfezu nian kona-ba Maromak nia atensaun lais ba ninia Povu. Atensaun lais ida-ne’e manifesta liuhusi Kristu ne’ebé fó ba ema hotu, lahó esesaun, possibilidade atu integra an iha Maromak nia família. Halibur an nu’udar Maromak nia família, Jezús nia eskolante sira sai maun-alin entre sira, kesi hamutuk iha domin ida de’it. Buat hotu ne’ebé sai barreira, divizaun, inimizade, manán tiha ona ho modu definitivu.

LEITURA I – Jer 23,1-6

AMBIENTE

Jeremias, profeta ne’ebé moris iha Anatot tinan ± 650 mK, hala’o nia misaun profétika husi kedas 627/626 mK, to’o tempu liutiha destruisaun Jerusalém nian husi Babilónia (586 mK). Senáriu atividade profeta nian mak, enjerál, reinu Judá (liuliu sidade Jerusalém). Faze dahuluk pregasaun Jeremias nian abranje parte Josias nia ukun nian. Liurai ne’e – tanba preokupa atu defende identidade polítika no relijioza Maromak nia Povu nian – konsege lori to’o rohan reforma relijioza ida, ne’ebé bandu kultu ba maromak seluk sira. Jeremias nia mensajen, iha período ida-ne’e, tradús iha apelu konstante ba konversaun, ba fidelidade ba Jahwéh no ba aliansa.

Iha tinan 609 mK, Josias mate iha funu hasoru Ejitu. Joaquim troka nia iha tronu. Faze daruak atividade profétika Jeremias nian abranje Joaquim nia ukun (609-597 mK). Joaquim nia ukun maka tempu ida desgrasa no salan nian ba Povu, inkomprensaun no sofrimentu nian ba Jeremias. Iha faze ne’e, profeta kritika injustisa sosiál sira (dala ruma liurai rasik mak hamosu) no infidelidade relijioza (tradús liuliu iha aliansa polítika: buka tulun husi Ejitu signifika la konfia Maromak, no tau Povu nia esperansa iha funu-na’in estranjeiru). Jeremias konvensidu katak Judá ultrapasa sasukat hotu no invazaun Babilónia nian iha ona odamatan atu fó kastigu ba Maromak nia Povu nia salan sira. Ida-ne’e maka buat

ne'ebé nia hato' o ba mahorik sira Jerusalém nian... Previzaun Jeremias nian konkretiza iha tinan 597 mK, Nabucodonosor invade Judá no deporta ba Babilónia parte ida populasauñ Jerusalém nian.

Sedecias mak hela iha tronu Judá nian (597-586 mK). Faze datoluk misaun profétika Jeremias nian hala' o, durante ukun ida-ne'e.

Liutiha tinan ruma iha hakruuk ho hakmatek ba Babilónia, Sedecias koko fali polítika tuan aliansa nian ho Ejitu. Jeremias la konkorda atu sira konfia liu iha kbiit estranjeiru duké iha Jahwéh... Maibé, nein liurai, nein emboot sira rona profeta nia opiniaun. Iha 587 mK, Nabucodonosor tau serku hale' u Jerusalém; maibé, funu-na'in Ejitu nian mai tulun no babilóniu sira retira. Iha momentu euforia nasional, Jeremias mosu atu haklaken destruisaun Jerusalém nian (kf. Jer 32,2-5). Hetan akuzasaun traisaun nian, Jeremias hetan dadur (kf. Jer 37,11-16) no nia vida iha perigu laran (kf. Jer 38,11-13). Enkuantu Jeremias kontinua haklaken rendisaun, Nabucodonosor defaktu, foti Jerusalém, harahun sidade no deporta ninia populasauñ ba Babilónia (586 mK).

Testu ne'ebé ohin propoin mai ita nu'udar leitura dahuluk halo referénsia ba tempu dezorientasaun nasional nian, iha ne'ebé Judá, laho líder ho kbiit, lakon referénsia no esperansa iha futuro. Iha testu, Maromak kondena "bibi-atan sira" Israel nian basá halo namkari bibi sira luhan nian, ne'ebé refere ba ezíliu iha Babilónia. Provavelmente, testu ne'e koloka iha tinan sira entre 597 no 586 mK, iha tempu ne'ebé bá husi ezíliu dahuluk (mamonuk dahuluk Jerusalém nian – 597 mK) ba ezíliu daruak (mamonuk daruak Jerusalém nian – 586 mK).

Uzu ilas "bibi-atan" nian atu ko'alia kona-ba líder sira nasaun nian mosu beibeik iha Testamentu Tuan. Aliás, ilas ne'e hetan forsa espezial iha sekueénsia David nian, bibi-atan ne'ebé Jahwéh kose mina no nakfilak ba liurai, ho knaar atu tau matan ba luhan Maromak nia Povu nian.

MENSAJEN

Ita-nia testu hahú ho espozisaun badak kulpa nian: "bibi-atan" sira Judá nian halakon, halo namkari, baku Na'i nia bibi sira, hodi la tau matan ba sira (vers. 1-2a). Verbu ida-idak utiliza iha ne'e halo referénsia ba faktu konkretu sira istória Judá nian. Adventureirizmu sira, interese pesoál sira, jogada polítika sira, líder sira nia inkonxiénsia lori konsekuénsia aat ba Povu, ba Maromak nia "luhan". Líder Judá sira nian la preokupa atu serví povu, maibé uza Povu atu konkretiza sira-nia objetivu pesoál. Ora, "luhan" la'ós propriedade "bibi-atan" sira-nian, maibé Na'i nian... Maromak bolu sira ba misaun konkreta ida, fó knaar ba sira atu tau matan ba Ninia "luhan" no sira, simu tiha kompromisu, falla totalmente.

Liutiha kulpa, mai tesi-lia: Maromak sei husu konta husi bibi-atan aat sira-ne'e nia hahalok sira (vers. 2b). Maromak la dispostu atu tolera abuzu sira konfiansa nian, nein koliga ho líder sira ne'ebé esplora "luhan" ba benefisiu rasik. Iha Maromak nia perspetiva, ne'e maka buat ruma tolera-laek no la bele husik de'it.

Maibé Maromak nia intervensaun la hela de'it iha husu konta ba líder aat sira... Jahwéh sei intervein, soi ninia "luhan". Maromak nia intervensaun hetan justifikasaun basá ne'e ninia "luhan" no nia iha responsabilidade ba nia bibi sira.

Maromak nia intervensaun dezenvolve iha momentu tolu... Ida uluk mak repatriasaun ba desterradu sira; sei lori fali bibi sira ba du'ut nurak atu sira sai boot no barak (vers. 3). Nia rasik sei lidera prosesu libertasaun no retornu/filafali nian ba sira-nia rain, la liuhusi intermediáriu sira.

Momentu daruak Maromak nia intervensaun nian konsiste iha hili “bibi-atan” sira ne'ebé ezemplár (vers. 4). “Bibi-atan” sira-ne'e nia misaun maka simplesmente, “bali”. Ne'e naturalmente implika tau-matan, atensaun lais, domin, laran-midar ba luhan... Bibi-atan sira ne'e sei serví luhan no la'ós uza nia atu konkretiza sira-nia interese pesoál sira. “Bibi” sira sei aprende atu konfia iha “bibi'atan” ne'ebé hadomi sira no sei la ta'uk tan ba “*shock*”. Momentu datuluk Maromak nia intervensaun nian projeta ba futuru ida laho data ida ne'ebé marka ona. Nia promete atu “tubun justu” ida sei mai husi David nia dinastia (vers. 5). Ilas hasai husi reinu vejetál (“tubun”) sujere fekundidade no vida nakonu, basá nia sei fó moris naresin ba luhan Jahwéh nian. Nia sei asegura “direitu no justisa” no sei lori salvasaun no seguransa ba Maromak nia Povu. Liurai ne'e nia naran maka “Na'i maka ami-nia justisa” (vers. 6), basá Maromak mak lejítima nia no ninia misaun mak administra pás, hakmatek, salvasaun, vida loos ba Maromak nia Povu. Promesa ida-ne'e ho kontornu mesiániku pretende anula frustrasaun no dezesperu no inaugura tempu ida esperansa nian ba Maromak nia Povu.

SALMO RESPONSORIAL – Salmo 22 (23)

LEITURA II – Ef 2,13-18

AMBIENTE

Surat ba Eféziu sira, bele dehan ezemplár ida “surat sirkulár” nian ne'ebé haruka ba kreda oioin iha Ázia Menór, iha altura ida iha-ne'ebé Paulo hela iha kadeia (iha Cesareia? Iha Roma?). Ninia maklorik mak Tíkiku. Ita iha tinan sira entre 58/60. Ema balun haree iha surat ne'e sínteze ida teolojia paulina nian, iha tempu ida iha ne'ebé apóstolu nia misaun remata Ázia no nia la hatene futuru sá loos maka rezerva ba nia iha lorosae.

Tema importante liu surat ba Eféziu sira nian maka buat ne'ebé autór hanaran “mistériu”: ne'e mak Maromak nia projetu salvasaun nian, ne'ebé horiuluk kedas define no elabora, subar ba sékulu barak, revela no konkretiza tomak ho Jezús, komunika ba apóstolu sira no, iha tempu ikus, sai presente ba mundu liuhusi Kreda.

Testu ne'ebé ohin propoin mai ita integra parte dogmátika surat nian. Reflete tiha Kristu nia papél iha projetu salvasaun ne'ebé Maromak iha ba ema sira (kf. Ef 2,1-10), Paulo refere ba rekonsiliaun ne'ebé Kristu hala'o, ne'ebé ho nia saran-an nia halo sai ida de'it judeu no pagaun sira iha Povu hanesan (kf. Ef 2,11-22).

MENSAJEN

Paulo dirije ba jentiu/pagaun sira (vers. 13) no esplika ba sira katak hodi Kristu nia raan maka sira hakbesik ba Maromak. Uluk sira adora lulik sira no iha sira-nia konviksaun relijioza; maibé sira hatene Maromak loos no ninia proposta salvasaun nian; agora, sira hola parte iha Maromak nia família.

Aleinde ne'e, Kristu nia entrega halakon barreira tradisionál ne'ebé haketak judeu husi pagaun sira no halo sira Povu ida mesak. Judeu sira, konvensidu nu'udar Povu ida haketak husi seluk, despreza pagaun sira no lakohi kontaktu ida ho povu seluk. Pagaun sira, husi sira nia parte, iha desprezu boot ba judeu sira, ba sira-nia diferensa, ba sira-nia arrogánsia... Ora, Kristu mai apresenta proposta ida moris nian ba ema hotu, laho esesaun. Buat ne'ebé desizivu agora, la'ós hola parte ba povu determinadu ida, maibé ba forma oinsá hatán ba proposta moris nian ne'ebé Jezús halo. Hatán pozitivamente ba Kristu nia proposta signifika integra iha comunidade santu sira-nian. Moisés nia Ukun, ho ninia preskrisaun no ezijénsia sira (ne'ebé iha prátika, haree possibilidade atu pagaun sira integra iha Maromak nia Povu) anula tiha ona... Iha ekonomia salvasaun foun, buat ne'ebé konta maka disponibilidade atu hakohak moris ne'ebé Maromak oferese no sai Ema Foun.

Nune'e maka moris, "isin" foun ida ne'ebé integra membru oioin, pertense ba família umana. Sira hotu ne'ebé aseita integra iha comunidade Jezús nian, laho diferensa etnia nian, rasa nian, kór kulit nian, klasse sosiál eh kulturál, pertense ba família hanesan, Maromak nia família, Hotu-hotu – judeu no pagaun sira – agora sai membru comunidade trinitária Aman nian (ne'ebé oferese moris), Oan nian (ne'ebé mai hasoru ema sira atu komunika Aman nia moris) no Espíritu Santu nian (ne'ebé mantein uniaun entre membru sira "isin" ne'e nian entre sira no ho Maromak).

ALELUIA – Jo 10,27

EVANJELLU – Mc 6,30-34

AMBIENTE

Evanjellu domingu kotuk nian hatudu Jezús haruka eskolante sira, na'in rua-rua atu haklaken arrendimentu, duni sai diabu sira, kose mina no kura moras sira (kf. Mc 6,7-13). Anúnsiu ne'ebé konfia ba eskolante sira mak anúnsiu ne'ebé Jezús halo ("Reinu"); jestu ne'ebé eskolante sira hetan konvite atu halo hanesan ho jestu sira Jezús halo. Evanjellu domingu ne'e nian apresenta eskolante sira fila fali ona husi misaun. Marcos oras-ne'e, bolu sira apóstolu (haruka bá): no dala ida de'it maka liafuan apóstolu mosu iha Evanjellu nu'udar Marcos haktuir. Misaun la'o di'ak no "apóstolu sira" nakonu ho entuziazmu, maibé konserteza kolen. Laiha indikasaun ida iha testu iha-ne'ebé mak akontese epizódium ida-ne'e.

MENSAJEN

Ita-nia testu hahú ho narrasaun eskolante sira nia regressu ho entuziazmu, konta ba Jezús oinsá hala'o misaun ne'ebé entrega ba sira (vers. 30). Iha nia tatur, Jezús konvida sira atu ba ho Nia iha fatin izoladu ida no atu deskansa uitoan (vers. 31). Eskoante sira bá ho Jezús, iha fatin mamuk ida (vers. 32); maibé ema lubun-boot siik fatin ne'ebé sira bá no to'o molok sira (vers. 33). Bainhira tun husi roo, Jezús haree ema sira ne'e, nia laran-sadia ba sira ("tanba sira hanesan bibi ne'ebé la iha bibi-atan") no hahú hanorin sira (vers. 34).

Maski epizódium ne'e banál, maibé aproveita nia atu dezenvolve katekeze kona-ba dizipuladu. Marcos nia katekeze dezenvolve pontu sira tuirmai:

1. Jezús haruka apóstolu sira atu kontinua iha mundu Ninia misaun. Misaun ne'e konsiste iha haklaken Reinu. Atu bele konkretiza, apóstolu sira konvida ema sira atu rona mensajen no muda sira-nia vida no hakohak proposta ne'ebé Jezús halo ba sira. Eskolante sira nia jestu (duni sai diabu, fó isin di'ak ba moras" – Mc 6,13) haklaken mundu foun ema livre sira nian no projetu ida moris loos no nakonu nian ne'ebé Maromak hakarak ofereba ba ema hotu.
2. Referénsia ba apóstolu sira nia nesesidade atu deskansa (basá la iha tempu atu han) mak avizu ida ba ativizmu ezajeradu, ne'ebé halakon forsa isin no espírito nian no lori, dala barak, atu lakon sentidu misaun nian.
3. "Apóstolu" sira hetan konvite husi Jezús atu bá ho Nia iha fatin izoladu ida. Ita dehan tiha onai ha leten katak la nomeia fatin ne'e: loloos, buat ne'ebé interese iha ne'e la'ós fatin jeográfiku, maibé sín "deskansu" ne'ebé tenke akontese hamutuk ho Jezús. Iha Jezús nia sorin, hodi rona Nia, dialoga ho Nia, goza ninia intimidade, mak eskolante sira rekupera sira-nia forsa. Se eskolante sira la konfronta beibeik sira-nia eskema no projetu pastorál sira ho Jezús no ninia Liafuan, misaun sei rezulta ho frakasu.
4. Ema lubun boot tuir daudaun Jezús no eskolante sira ho ain – katak desloka hale'u Beelihun Tiberíades, nafatin ho roo iha sira-nia oin. Babukak kolen-laek no pasiénsia-laek maka lalenok ida, ho dramatizmu uitoan, ema nia ansi ba vida... Jezús nakonu ho kompaixaun, kompara ema lubun boot ne'e ho bibi sira bibi-atan laek. La'ós iha líder relijiozu ka polítiku nasaun nian maka sira hetan seguransa no esperansa; la'ós iha relijiaun tradisionál maka sira hetan pás no sentidu ba moris... Maibé iha Jezús no iha ninia proposta mak ema lubun boot sira hetan moris loos no nakonu. Iha tatur, sei haktuir multiplikasaun paun no ikan sira-nian, ne'ebé habosu ema rihun lima nia hamlaha.